

TÍITOÓ

Tíító éllevu Páávoró cáátúnuháám:

Duurúvaju

¹ Oo Páávoró Píivýéébé ïicúve múnáajpi o ijcyaaabe ïñe Jetsocríjtodítyú ijcyáné uwááboju úwááboobéré ó pehíjcyá dibyée tsúuca újcúmeke ditye ímíñeúvú iwáájácu téjijto meúraavyémé múijyú medsíjivéjúcóóityúne bóhí meújcu. ² Tsá muurá Píivýéébe állíuutúne. Aabée téénevu meke iájcuíñé néé tsúúcajátújuco íñujíkyée ípíivýéévévótúné ihdéjuco. ³ Ááné uwáábojúu mewáájácúíñe éévé úújetétsihvújuco muurá ïñe meke dibye wáájácútsóné téénevu. Aane úwááboobéré ó pehíjcyá Mépájtyetétsoobée Píivýéébe oke néhdújuco. ⁴ Aabe ïñe íhyaami ó caatúnú, uu, Tíító éllevu táuúwááboríi Píivýéébeke u cáhcújtsónéllii tájtsiiménédú uke o íjtsúcunúúbe éllevu. Aane ihdyu óvíi pámeeke ídaatsóllédú íjcyamútsí Mépájtyetétsoobe Jetsocríjtoma uke píaabó íbúwajíí u íjcyaki.

Cahcújtso múnáake Tíito píaabóne

⁵ Muuráhjáa uke 'Créetaá' némeíñé caapáhovu ó pícyoíñú tétsii íjcyáoomíjiri ijcyáné cahcújtso múnáake panévaturé u píááboki. Áhdurée uke o néé diityémá túkevéjtsotéké u méménuki. ⁶ Aame diitye túkevéjtsojte íjcyáiyá panévaturé ímiááméré íínetú néétsámeítyúme. Tsáápíllekeré táábaváiyóme. Áamej tsíímé cahcújtso múnáa íjcyáiyá cáánímudívú íñéétsótuki. ⁷ Muurá túkevéjtssoobe páneere Píivýéébé

icyánéjcu wákimyéi ejécunúhi. Áánéllii téené wákimyéi méénume panévatúré ímiááméré íjcyáiyáhi. Tsá ditye ávyéjuuháñé llííñéítyuróne. Tsá ditye cááyóbáítyuróne. Tsá ditye llíyícyávéítyuróne. Tsá ditye átéréénéhjí hallúvú dsíídsíváítyuróne. ⁸ Keená ímiááné íjcyane Píívyéébe ímilléneréjuco ditye méénúiyóné íínevú táhjátsámeítyúme. Aame tsáímíyé íaahíve múnáake waatsúcúiyáhi. ⁹ Tsáímíyé ímiá úwááboju tsúúca iwáájacúné úráávyéiyóme. Ááne úwáábóiyómé téénetu ímityúné íhjuvavahíjcyámeke ímí diityéké tene ibúúúveki.

¹⁰ Muurá íjcyámé mítyame tamúnaa jodíómú ímiáájú úraavyéjúcoorómé úwáábohíjcyáné míamúnaa kíhdyahírótsámeítyónetu. Ááneri íllure míamúnáake állíhíjcyáme. ¹¹ Áánéllii múu diityéké bóijcyú téénetu. Múhdurá úwáábohíjcyámé téené hallúvú idsíídsívakiye. Muurá pívávavá múnáakéjuco ditye mújtatsóné ímiájíjtó ditye úráávyénetu.

¹² Aanéhjáa muurá tétsii múnáajpíyé uwááboobe nééhií: “Créeta múnáa ávyétá allíujte iyámédú nééme ovéhe múnáa íjcyame mítyane majchóhi.”

¹³ Ímiáánéjucóhjáa díbye nééneé. Áánéllii uke o néé íhnáhóónécoba tétsii múnáake u úwáábo ditye ímíñeúvú Críjtoke icyáhcújtsoki. ¹⁴ Aame tsá íícuvéjúcóóityú átéréénéhjí íjtsaméityúré iújcune ditye úúbállehíjcyáneri. Áhdure tsá ditye íícuvéítyú ímiájíjtó úraavyéjúcootúmé diityéké tsíñejcúvúré túkévéjtsóneri.

¹⁵ Muurá cahcújtso múnáa ímiáánéré íjtsámeíhi. Áánetu cáhcújtsotúmé tsá múijyú ímiááné íjtsámeítyuró ímityúnéré diityé ííbúwari íjcyánéllíihye. ¹⁶ Tehdu nééme muurá bañúháñé nehíjcyá Píívyéébeke iwáájacúne.

Áronáa múhdurá ditye ícyahíjcyánetu méwaajácú íllure ditye állihíjcyáne. Aame ímityúmé íjcyame tsá múíjyú ímiááné méénuíturóne.

2

*í*miá uwááboju

¹ Áánetu ihdyu ímíñeúvú dihjyúvahíjcyá muhdú ímiá uwááboju néhduú. ² Ááne dúwáábohíjcyá kéémemújuco íjcyáne nahbémuke ditye tsaííbuwáre íjcyáne pamévakéré íavyejúúlleki, ímityúnehjívú ditye ityáhjátsámeítuyuki, Críjtoke ditye ímí icyáhcuýtsoke, ímityunéhjí íjcyaroné íáábúcúne ditye pamévamáyé iwájyújcatsíki. ³ Áhdure kéémemújuco íjcyáne naallémuke duwáábó pamévakéré íavyejúúlléne tsíjtyedítuyú állíunéhjí ditye ífhjyúvátuki. Áhdure tsá ditye lííyícyávéíturóne. ímiááneturé bóhówaucunúiyóme. ⁴ Aame úwáábóiyá bádsíjcake muhdú múúne walle ájyúma iwájyújcatsíñe tsaímíyé íítsíimeke téhmené. ⁵ Úwáábóiyómé ímityunévú ditye ityáhjátsámeítuyuki, panévatúré ímiááméré ditye íjcyaki, tsaímíyé ihjya ditye ityéhmeki, tsíjtyeke ídaatsólléne ditye ipíááboki, ájyumu túkévejsódú tsaímíyé ditye íjcyaki. Ehdu íjcyáiyómé Píívyéébé uwáábójutu múha ímityúné ífhjyúvátuki.

⁶ Áhdure ováhtsámuke ímíñeúvú duwáábó ditye ímiááméré íjcyaki. ⁷ Ááne panévatúré ímiáábé diityémá diicya tehdu ditye íjcyaki. Tsá múu májchíjyuri díllotú diityéké íuwaabóne. ⁸ Tsaate úhdityu ímityúné ífhjyúváneeri díícúvedí ditye tééneri íñúcójpívéne tsiíñe ífhjyuvájúcóótuki.

⁹ Téhdure idyé uke o nées tsaaté hójtsí pañe íjcyámeke u úwáábo ditye ímiááméré íjcyáne íavyéjunte táuhbáné imyéénuki. Tsá tene ímityú lííñetúré diityéké ditye añújcúiyóne. ¹⁰ Tsá ditye nánítyuró diityé éhne. Panévaturé ímiááméré íjcyáiyá Mepájtyetétsoobe Píivyéébé uwááboju diityédítýú íbóhówaúcunúki.

¹¹ Muuráhjáa meke íídaatsólléne iwáýýumeke waajácútsoobe muhdú mepájtyetíñe. ¹² Áánéllii tsúúca méwaajácú páneere íjí imítyuháñe meíhvéjtsóne tsaímiyéjuco díbyeke meúraávyéiyóné íínevú táhjátsámeítýúme. ¹³ Áhdure tsúúca méwaajácú ípyée íñéhdú íhtsútuube Mépiivyéébé Mepájtyetétsoobe Jetsocríjtó ííne imíjyaú tsááiñe metéhmehíjcyáne. ¹⁴ Diibyée muurá dsíjivé mewáýyuri mepée mewágóóóvéiyónetu meke ípájtyetétsooki. Ehdúu meke ímíjpyetétsoobe díbyeéjté meíjcyame ímiááné meímílléne ímiááneréjuco meméénuki.

¹⁵ Ehdu múu úwaabó míamúnáake tsápíjtsoobére. Áhdure múu íhnáhóónécoba úwaabó múhdurá ícyahíjcyámeke diityédívú táhjátsámeítýuubére.

3

Muhdú múúne cahcújtso múnaa íjcyane

¹ Áhdure idyé duwáábó cahcújtso múnáake ditye pámeere ííñújí avyéjuktéké íavyejuúlléne muhdú ditye néhdú íjcyáne imyéénuhíjcyá ímiááneréjuco. ² Ááne ímiááméré íjcyáne mítyájkímyeítýúme míamúnáake íídaatsólléne ípiáábohíjcyaki. Aame tsá múhdityú ímityúné íhýuváitýúne.

³ Muurájháa tujkenú múhdurá menéénellii tsá Píivyéébeke melléébohíjcyatúne. Ídátsohrée ímityúnéhacáa íjcyane páhduváré nénehji pánehjídú imíwu meíjtsúcunúne méúráavyehíjcyáhi. Ehdúu ímityúnéhjí pañe meíjcyame tsíñéhjiri ménomiútáavahíjcyáhi. Áhdurée tsíjtyéhjima métsaríllécatsíhijcyáhi.

⁴ Áronáacáa Píivyéébe Mepájtyetétsoobe ímiáané pámeekéré míamúnáake iwájyune úújetsó meke ipájtyetétsoñeri. ⁵ Tsáháa ñná ímiáané meméénúnellii meke dibye pájtyetétsoótúne. Mekée ñdaatsóllénéllii pájtyetétsoobe Íapííchoj tééveri meke dibye ímíbjachomé béhné íjtsamémáyéjuco meíjcyaki. ⁶⁻⁷ Teenée Íapííchó mépañévu pícyoobe Mepájtyetétsoobe Jetsocríjtoj tééveri ímiáámeréjuco meíjcyame múijyú medsíjívéjúcóóityúne bóhí meítsohíjcyáné meújcuki.

⁸ Aane éhniíñevu dúwáábohíjcyá Píivyéébeke cáhcujtsómé keená ímiáané íjcyanére imyéénúñneri itsúurámeíki. Ehdu íñe uke o néé pámeekéré píááboíñe.

⁹ Áánetu eene átéréenéhjí meke píáábóityúné muhdúhjáa méíhdé múnáaúvú íhdéené taúhbáju úráavyehíjcyáneri ditye táhjácatsíhíjcyáneri díícúvedíñe. Íllure ténehji meke mújtatsóhi.

¹⁰ Áánellii múu tsaate ténéhjiri táhjácatsíhajchíí bóijcyurá míijyúcúre. Aane ditye lléébótúhajchíí múu ílluréjuco íjchívyetsóné díityéké tsíjtyeke ditye imújtátsótuki. ¹¹ Muurá ehdu dáríívémeímýé tsáhájucó ímíllétú ímí íjcyane. Aame waajácurá íhyallúvuré ímityúné imyéé-nune.

Tíítóke Páávoró túkëvejtsóne

¹² Aane diéllevu Tíikicyómá Atéémamútsidítýú tsáápikeye o wálooobe úújetécooca íícúí oke dúhjetécó Nicóóporíyí o íjcyáábeke. Técoomíyí úúníjyaba o pájtyeíñé ó wábyujtsóhi. ¹³ Áánetu ihdyu óvíi muhdú u píívyetédú ú píaabó Apóóromútsikye ímityúné múúne méénúmé hallúvú íhgyúvaabe Tséénáma dityétsí kiávú ipyéhullévú péécoóca. ¹⁴ Aane ihdyu óvíi éhnée méuwaábori cáhcujtsómé iwáájáne téhdure tsíjtyeke píaabó ímiáájú diityédítýú íbóhówaúcunúki.

Páávoró pítyajcóné

¹⁵ Áhdícyane óvíi Píívyéébe pámeekéré ámúhakey píaabóhi. Pámeere ménahbémú ílle íjcyame uke duurúváhi. Áhdure elle íjcyámeke o duurúváhi. Áyu tehdújuco.

Píivyéébé ihjyu: jetsocríjyodítýú cáátúnuháámi New Testament in Bora (PE:boa:Bora)

copyright © 2008 Wycliffe Bible Translators, Inc.

Language: Bora

Translation by: Wycliffe Bible Translators, Inc.

Boara [boa], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Bora

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22
